



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

OPĆINSKO VIJEĆE

Na osnovu člana 14. stav 4. Zakona o eksproprijaciji („Službene novine FBiH“, broj 70/07 i 36/10) i člana 24. stav 7. Statuta Općine Gradačac („Službeni glasnik općine Gradačac“, broj 4/08 i 5/12) rješavajući po prijedlogu Općinske službe za urbanizam, investicije i komunalne poslove o utvrđivanju javnog interesa radi izgradnje kanalizacione mreže u sjevernom dijelu općine Gradačac u okviru Projekta vodosnadbijevanja općine Gradačac, Općinsko vijeće Općine Gradačac, na prijedlog Općinskog načelnika, na sjednici održanoj dana _____, d o n o s i

ODLUKU o utvrđivanju javnog interesa

- 1.Utvrđuje se da je od javnog interesa izgradnja kanalizacione mreže u sjevernom dijelu općine Gradačac, u okviru Projekta vodosnadbijevanja općine Gradačac na parcelama koje su navedene u prilogu ove odluke i čine njen sastavni dio.
- 2.Određuje se da je Općina Gradačac korisnik nepotpune eksproprijacije.
- 3.Ova Odluka stupa na snagu osmog dana od dana objavljivanja u Službenom glasniku općine Gradačac.
- 4.Protiv ove Odluke se može pokrenuti upravni spor podnošenjem tužbe kod Kantonalnog suda u Tuzli, u roku od 30 dana od dana dostavljanja odluke.
Tužba se podnosi neposredno sudu.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
-Općinsko vijeće-

Broj :
Datum:

PREDSJEDAVAJUĆI
OPĆINSKOG VIJEĆA

Šakić Enir, prof.

O b r a z l o ž e n j e

Odlukom Općinskog vijeća Općine Gradačac broj 01-05-265/16 od 19.09.2016.godine utvrđen je javni interes za izgradnju kanalizacione mreže u sjevernom dijelu općine Gradačac, u okviru Projekta vodosnadbijevanja općine Gradačac na parcelama koje su navedene u prilogu te Odluke i koje su činile njen sastavni dio.

Članom 21. stav 4. Zakona o eksproprijaciji FBiH („Službene novine FBiH“, broj 70/07 i 36/10) propisano je da se „*prijedlog za eksproprijaciju može podnijeti samo za vrijeme važenja akta o izgradnji objekta (zakon, odluka, rješenje i dr.), odnosno regulacionog plana ili urbanističkog projekta.*

Ako je javni interes utvrđen aktom Vlade, vlade kantona ili općinskog vijeća prijedlog za eksproprijaciju se može podnijeti u roku od dvije godine od dana donošenja tog akta“

Obzirom da je proteklo više od dvije godine od donošenja Odluke kojom je utvrđen javni interes a Projekat izgradnje kanalizacione mreže u sjevernom dijelu općine Gradačac nije okončan, potrebno je donijeti novu odluku, radi mogućnosti rješavanja imovinsko-pravnih odnosa i pokretanja postupaka eksproprijacije.

Stoga, predlaže se Općinskom vijeću Općine Gradačac da navedenu Odluku usvoji u prezentiranom tekstu.

Obrađivač:
Općinska služba za
geodetske i imovinsko-pravne poslove

Predlagač:
Općinski načelnik